

ATODLEN 5

Rheoliad 28(5)(b)

MATERION A RHWYMEDIGAETHAU MEWN CYTUNDEBAU GOFAL MAETH

1. Telerau cymeradwyaeth y rhiant maeth.
2. Faint o gymorth a hyfforddiant sydd i'w rhoi i'r rhiant maeth.
3. Y weithdrefn ar gyfer adolygu cymeradwyaeth rhiant maeth.
4. Y weithdrefn mewn cysylltiad â lleoli plant a'r materion sydd i'w cynnwys mewn unrhyw gytundeb lleoliad maeth.
5. Y trefniadau ar gyfer bodloni unrhyw atebolrwyddau cyfreithiol y rhiant maeth sy'n codi oherwydd lleoliad.
6. Y weithdrefn sydd ar gael i rieni maeth gyflwyno sylwadau.
7. Rhoi hysbysiad ysgrifenedig i'r darparrydd gwasanaeth maeth ar unwaith, gyda manylion llawn—
 - (a) unrhyw fwriad i newid cyfeiriad y rhiant maeth;
 - (b) unrhyw newid yn y personau sy'n ffurfio aelwyd y rhiant maeth;
 - (c) unrhyw newid arall yn amgylchiadau personol y rhiant maeth ac unrhyw ddigwyddiad arall sy'n effeithio naill ai ar ei allu i ofalu am unrhyw blentyn sydd wedi'i leoli neu addasrwydd aelwyd y rhiant maeth; ac
 - (ch) unrhyw gais am fabwysiadu plant, neu am gael cofrestriad ar gyfer gwarchod plant neu ofal dydd.
8. Peidio â chosbi'n gorfforol unrhyw blentyn sydd wedi'i leoli gyda'r rhiant maeth.
9. Sicrhau bod unrhyw wybodaeth sy'n ymwneud â phlentyn sydd wedi'i leoli gyda'r rhiant maeth, â theulu'r plentyn neu ag unrhyw berson arall, ac sydd wedi'i rhoi i'r rhiant maeth yn gyfrinachol mewn cysylltiad â lleoliad yn cael ei chadw'n gyfrinachol ac nad yw'n cael ei datgelu i unrhyw berson heb gydsyniad y darparrydd gwasanaeth maethu.
10. Cydymffurfio â thelerau unrhyw gytundeb lleoliad maeth.
11. Gofalu am unrhyw blentyn sydd wedi'i leoli gyda'r rhiant maeth fel petai'r plentyn yn aelod o deulu'r rhiant maeth a hybu lles y plentyn gan roi sylw i'r cynlluniau hir-dymor a byr-dymor ar gyfer y plentyn.
12. Cydymffurfio â pholisïau a gweithdrefnau'r darparrydd gwasanaeth maethu a roddwyd o dan reoliadau 12 ac 13.
13. Cydweithredu â'r Cynulliad Cenedlaethol yn unol ag unrhyw ofyniad rhesymol ac yn benodol caniatáu i berson sydd wedi'i awdurdodi gan y Cynulliad Cenedlaethol i'w gyfweld ac ymweld â'i gartref ar unrhyw adeg resymol.
14. Cadw'r darparrydd gwasanaeth maethu yn hysbys ynghylch cynnydd y plentyn a'i hysbysu ar unwaith ynghylch unrhyw ddigwyddiadau sylweddol sy'n effeithio ar y plentyn.
15. Os yw rheoliad 36 yn gymwys, caniatáu i unrhyw blentyn sydd wedi'i leoli gyda'r rhiant maeth i gael ei symud o gartref y rhiant maeth.